



Проект

**ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИ ҚАРОРИ**  
**Вазирлар Маҳкамасининг 2019 йил 21 августдаги 704-сон қарори билан тасдиқланган**  
**Молия хўжалик фаолиятини амалга оширмаётган тадбиркорлик субъектларини давлат**  
**реестридан чиқариш тартиби тўғрисидаги низомга ўзгартиришлар киритиш ҳақида**  
**VQL-4982/23-2**

Бугунги кунда тадбиркорлик субъектини ташкил этишда ортиқча талаблар ва тартиб-таомилларни қисқартириш, соддалаштириш ҳамда давлат хизматлари кўрсатиш сифатини янада яхшилаш борасида тизимли чора-тадбирлар амалга оширилмоқда.

Шу билан бирга, тадбиркорлик субъектларини тугатиш жараёнида ортиқча талаблар ва тартиб-таомилларнинг мавжудлиги долзарб муаммолардан бири бўлиб қолмоқда.

Молия-хўжалик фаолиятини амалга оширмаётган корхоналарни тугатиш тартибини соддалаштириш, тугатиш жараёнини амалга оширишда асосиз харажатлар қилишга олиб келувчи ортиқча маъмурий чекловларни бекор қилиш мақсадида Вазирлар Маҳкамаси **қарор қилади**:

1. Вазирлар Маҳкамасининг 2019 йил 21 августдаги 704-сон қарори билан тасдиқланган Молия-хўжалик фаолиятини амалга оширмаётган тадбиркорлик субъектларини давлат реестридан чиқариш тартиби тўғрисидаги низомга иловага мувофиқ тижорат ташкилотининг ҳаракатсиз ҳолатга ўтказиш амалиётини соддалаштириш мақсадида ушбу жараёнда солиқ органларида мавжуд маълумотларни тегишли идора ва ташкилотлар томонидан юбориш ҳамда камерал солиқ текширувини ўтказишни бекор қилишни назарда тутувчи ўзгартиришлар киритилсин.

2. Вазирлар Маҳкамаси ҳузуридаги Солиқ қўмитаси **бир ой муддатда**:

Адлия вазирлиги ҳамда Марказий банк билан биргаликда ушбу қарорга мувофиқ амалга киритилаётган ўзгартиришлардан келиб чиқиб, ахборот тизимларини;

манфаатдор вазирликлар ва идоралар билан биргаликда ўзлари қабул қилган норматив-ҳуқуқий ҳужжатларни ушбу қарорга мувофиқлаштирсин.

3. Ушбу қарорнинг бажарилишини назорат қилиш Ўзбекистон Республикаси Бош вазирининг ўринбосари – иқтисодиёт ва молия вазири Ж.А.Қўчқоров ҳамда Вазирлар Маҳкамаси ҳузуридаги Солиқ қўмитаси раиси Ш.Д.Кудбиев зиммасига юклансин.

**Ўзбекистон Республикасининг**

**Бош вазири**

**А. Арипов**

Вазирлар Маҳкамасининг  
2024 йил \_\_\_\_\_ “\_\_\_\_\_” даги  
\_\_\_\_\_ -сон қарорига  
илова

**Вазирлар Маҳкамасининг 2019 йил 21 августдаги 704-сон қарори билан тасдиқланган Молия-хўжалик фаолиятини амалга оширмаётган тадбиркорлик субъектларини давлат реестридан чиқариш тартиби тўғрисидаги низомга киритилаётган ўзгартиришлар**

1. 5-банд куйидаги таҳрирда баён этилсин:

“5. Тижорат ташкилотларини молия-хўжалик фаолиятини амалга оширмаётган деб эътироф этиш учун куйидагилар асос бўлади:

олти ой мобайнида молия-хўжалик фаолияти бўйича банк ҳисобварақларига пул маблағлари тушмаганлиги;

давлат рўйхатидан ўтган санадан бошлаб уч ой мобайнида банк ҳисобварақларини очмаганлиги;

давлат рўйхатидан ўтган санадан бошлаб уч ой мобайнида банк ҳисобварақларини очган, бироқ олти ой мобайнида:

молия-хўжалик фаолияти бўйича банк ҳисобварақларига пул маблағлари тушмаганлиги;

электрон ҳисобварақ фактураларни расмийлаштирмаганлиги;

фискал модулга эга бўлган онлайн назорат-касса машиналари, виртуал касса ҳамда маркетплейс тўлов тизимидан фойдаланилмаганлиги;

экспорт ва импорт операцияларини амалга оширилмаганлиги”.

2. 6-банднинг биринчи хатбошидаги “тўққиз” сўзи “олти” сўзи билан, “Электрон ҳукумат” тизими идоралараро” сўзлари “Ўзбекистон Республикаси Марказий банки ва Вазирлар Маҳкамаси ҳузурдаги Солиқ қўмитасининг” сўзлари билан алмаштирилсин.

3. 7-банд куйидаги таҳрирда баён этилсин:

“7. Солиқ хизмати органи тижорат банкларидан маълумот келиб тушгач ва (ёки) ушбу Низомнинг 5-банди талаблари бўйича солиқ органларининг Марказий маълумотлар базасида мавжуд маълумотлар асосида уч иш куни мобайнида тижорат ташкилотлари фаоллик ҳолатини фаолият кўрсатмаётган ҳолатга ўзгартиради ва ушбу ташкилотлар тўғрисида Тизим орқали рўйхатдан ўтказувчи орган ва рўйхатдан ўтган жойдаги давлат статистика органларини хабардор қилади”.

4. 8-банднинг тўққизинчи хатбоши куйидаги таҳрирда баён этилсин:

“д) Марказий маълумотлар базасида мавжуд ҳамда бошқа органлар, муассасалар ва ташкилотлардан тақдим этилган маълумотлар асосида тижорат ташкилотининг фаолиятини ахборот тизимлари орқали текширувдан олдинги таҳлилдан ўтказди”.

5. 1-иловада:

1-босқич “Тадбирлар” устунидаги “тўққиз” сўзи “олти” сўзи билан, “Электрон ҳукумат” тизими идоралараро” сўзлари “Ўзбекистон Республикаси Марказий банки ва Вазирлар Маҳкамаси

хузуридаги Солиқ қўмитасининг” сўзлари билан алмаштирилсин;

2-босқич “Тадбирлар” устуни куйидаги таҳрирда баён этилсин:

“Тижорат банкларидан маълумот тушган ва (ёки) ушбу Низомнинг 5-банди талаблари бўйича солиқ органларининг Марказий маълумотлар базасида мавжуд маълумотлар асосида тижорат ташкилотлари фаоллик ҳолатини фаолият кўрсатмаётган ҳолатга ўзгартириш ва бу тўғрисида Тизим орқали рўйхатдан ўтказувчи орган ва рўйхатдан ўтган жойдаги давлат статистика органларини хабардор қилиш”.

3-босқич чиқариб ташлансин.

4-11-босқичлар тегишинча 3-10-босқичлар деб ҳисоблансин.

6. 2-илова номидаги “тўққиз” сўзи “олти” сўзи билан алмаштирилсин.